

摛藻堂四庫全書薈要

史部

欽定四庫全書會要

史部

國朝宮史卷十三

詳校官員外郎臣楊世綸



欽定四庫全書

國朝宮史卷八百四十五

史部

國朝宮史卷十三

宮殿三

宮殿二

月華門之西爲西一長街南即內右門中爲

近光右門北爲長寧右門轉東即瓊苑

西門也由近光右門而北向東之門凡三曰

咸和右門 廣生右門 大成右門 咸和

右門之西相對爲 純佑門中間南向者曰

永壽門門內爲

永壽宮前殿

御筆扁曰令儀淑德 廣生右門之西相對爲 崇

禧門中間南向者曰 蝶坤門門內爲

翊坤宮前殿

御筆扁曰懿恭婉順後殿扁曰懋端壺教聯曰德茂  
椒塗綿福履教敷蘭掖集嘉祥 大成右門之

西相對爲長泰門中間南向者曰儲秀門

門內爲

儲秀宮前殿

御筆扁曰茂修內治以上三宮俱順治十二年重建  
三宮之西爲西二長街南則螽斯門北則

百子門也街西與純佑門相對者曰嘉祉  
門再西爲啓祥門中間南向者亦曰啓祥

門門內爲

啓祥宮前殿

御筆扁曰勤襄內政與 崇禧門相對者曰 敷華  
門再西爲 緜祉門中間南向者曰 長春門  
門內爲

長春宮前殿

御筆扁曰敬修內則後殿扁曰德協坤元西室扁曰  
德洽六宮與 長泰門相對者曰 咸寧門再  
西爲 永慶門中間南向者曰 咸福門門內

為

咸福宮前殿

御筆扁曰內職欽承聯曰敬順禔躬吉溫恭受福宜

後殿扁曰滋德含嘉聯曰天倪超萬象神氣領

三無東室扁曰琴德移西室扁曰畫禪室以上

三宮俱康熙二十二年重建此西六宮之敘置  
也 百子門之北向為乾西五所近東者今為

重華宮

皇上龍潛時舊邸也宮之前曰重華門門內為

崇敬殿殿內扁曰樂善堂

皇上潛邸時書也聯曰

聖訓光昭敬誠常自助天倫敦敘忠孝在躬行張廷玉奉  
命書也

御製樂善堂記昔樂善堂集中有所謂樂善堂記

者蓋用此堂之名以名圓明園

賜居桃花塢之堂而記亦記彼處之勝與宮中此堂無

涉也然彼時之樂善祇數典漢東平王以為亟今  
斯堂則為重華宮之前殿不可以桃花塢堂之記  
槩之因思東平之樂善原數典于大舜所謂樂取  
於人以為善也茲適為重華宮之前殿則今之樂  
善祇宜景仰大舜之為而不必更宥於東平之蹟  
矣夫大舜之取諸耕稼陶漁之善世遠固不可徵  
而詢岳咨牧載在虞書者彰彰可考無非舍己從  
人與人為善而地平天成庶績咸熙胥於是乎基

之是乃千古帝王之法則而非藩服屏翰者所可  
相提並論其事體大而責任重也昔之效東平為  
山甚易今之企大舜為綦難是不可無記以朝夕體  
之心而措諸政也然而其志在是其慙亦在是矣  
堂之 東西暖閣俱供佛像 東暖閣

聖祖仁皇帝御筆扁曰意葉心香聯曰蓮花貝葉因心  
見忍草禪枝到處生 西暖閣

御筆扁曰吉雲持地聯曰滿宇一如心得月梵言半

偈舌生蓮堂之後爲

重華宮東室扁曰芝蘭室

世宗憲皇帝御筆聯曰艾荷香繞垂鞭袖楊柳風橫弄

笛船西室

御筆聯曰篆裊金爐八座和風初送暖花迎玉佩映

階芳草自生榮

御製題重華宮舊書室詩癸亥

何曾寂寞仲舒帷

依舊明窓受暖羲閒却七絃調雁柱汲來六一琴

銀絲三餘樂有陳編伴幾暇權無奏牘披彷彿當  
年吟破臘拔牋搨管恰移時

御製春正與諸王及內廷大學士翰林等小宴重華  
宮聯句復得詩三首丙寅 蘭殿辛盤迓早春展

親更復洽臣鄰從來盛事成佳話況是宗藩與吉  
人金荔色酣珠乍點玉梅香度粉初皴說之燈夕  
詩如繪花萼樓前雨露新 報道東來風是條鴻  
龍運斗已旋杓袂振煥彩春方麗鵝鶴堆銀雪未

消五色書雲光燦爛雙葩結談影招搖慶雲半壁  
懸西宇景物迎人正復饒初韶應律正光昌亶  
矣春和聚一堂殷鼎調梅惟傳相漢臺賡句有梁  
王樂調太簇鳴虞磬節奏浮圓勝楚餧同任股肱  
民社寄勗哉無或負明良

御製重華宮新正試筆詩

丁卯

旋轉東皇又踐春

光風嫩日湊芳辰聲傳爆竹千門喜頌入椒花萬  
象新壯蠟窓前梅遞馥屠蘇杯裏酒餘醇撫時奉

若奚謀志資始乾元在體仁

御製新正今日重華宮恭侍

皇太后宴詩

丁卯

今日韶光令重華喜氣重綺筵

王母壽絲勝早春容爵繼屠蘇捧屏開仙木禮篩簾晴

旭麗噴鼎瑞烟濃恃

愛頻申勸承

恩忘致恭宮中行樂處錫類萬方從

御製新春與大學士並內廷翰林等重華宮聯句小

宴復成近體詩

丁卯

興慶宮中翰墨筵每教令

日紀韶年情關一德聯堂陛樂叶八音調管絃體物漫稱詩禁雪抽思應許興奔泉天街爆竹聲砰  
磕却喜陽和萬里宣

御製重華宮書室題壁詩

丁卯

餞秋時節破冬初

旭影溫暾在綺疏依舊年光經一紀每從幾暇樂三餘貌烟靄靄紫銀蒜蓮漏泠泠滴玉蜍靜憩非  
關參半偈暫敍六欲少因祛

御製新春奉

皇太后重華宮小宴詩

戊辰

紛來鸞鳳數無央玉牋

金輿擁百祥西望瑤池降

王母東迎蒼駕莅青皇魚龍曼衍頻陳瑞火樹龍葱待

燭光七種豫挑人日菜

萬年先進上元觴

御製新正重華宮侍

皇太后膳詩己巳

開紀亞新禧承

歡敢後時青陽臨左个

王母降西池許案還增感萊衣勉自持畫屏屑鏤勝寶  
樹疊分枝花艷先春發燈光入夜披更期三五月

輪滿泛瑤卮

御製新正重華宮侍

皇太后宴詩庚午獻春行慶始天家

王母班龍降葆車風到五朝初有驗人當七日半非賒

華燈光引團圓月椒酒香留泛歛霞數得

慈顏歡顧處上林猶積玉爲花

御製新正重華宮詩

辛未

即漸青韶到玉鑾新年

書史伴清歡錦呈天鹿裁幡勝篆引仙鳳噴麝蘭

風定蓮壺添永漏雪融鴛瓦避輕寒奏章尚簡心

餘暇鏡古勤思體治安

御製重華宮侍

皇太后宴詩

辛未

首歲熙春宴重華介

壽辰綵屏開令節瓊爵獻

慈親樂奏千年曲燈迎五夜新樓頭紛瑞玉淑氣協鴻

釣

御製重華宮侍

皇太后宴詩

壬申

初春景物鬯和韶繡袞承

歡載頌椒寶籙重欣開綺甲瑤觴首介獻芳朝沈香火  
底銀簧暖濃麝蔚風前玉藥嬌願共寰中尊愛意千

秋萬歲奉

東朝

御製重華宮小宴大學士及內廷翰林諸臣詩 壬申

重華文宴集羣仙 瑞應瓊樓霽景鮮 民瘼心關  
既均此

天恩額慶合同然 閒拈吟管聊酬節 笑指春柈又隔年  
賀監金門重應制 致予逸興益飛遄 莫開十葉

應昌辰和會衣冠燕愷申 生面齊看戲 毡獸別裁  
奚藉捉刀人 母相容易一堂樂 尚共疇咨四海春  
嘉夜傳柑遲五日 永輪如待載賡頻

御製新春重華宮恭侍

皇太后家宴詩

癸酉

孫曾引領綵衣迎行樂宮中和

氣盈鴛瓦棲雲爲喜色鳳笙按曲是春聲五辛盤

獻先人日六葉蓂舒正午晴愛敬一心承

色笑願留羲馭駐南榮

御製重華宮書室疊舊作韻詩

癸酉

芸籍依然此

緹帷偶來小坐惜流曦知行未逮玉無玷俯仰幾  
何鬢有絲兩字聖狂銘切凜千秋治亂鏡明披徘

徊擬欲賡前詠落筆都成自愧時

御製新春重華宮侍

皇太后宴詩

甲戌

西望瑤池近羣迎

王母臨歡同萬方養春始九重深屏綴延年篆笙調太  
簇音六鼈蘭作談百寶霧成陰入畫元朝慶徵詩  
吉字吟瑞翼飄喜氣

天意即人心

御製新正重華宮恭侍

皇太后宴詩

乙亥

慈祥門對啓祥開西望鸞儀

王母來寶勝瑞迎人日帖綺筵

壽介紫霞杯和風未覺舒宮柳晴旭渾看綻殷梅入夕

九華迎令節更聞萬戶鬧春雷

御製新正重華宮詩

丙子

銅龍問

安迴紫鳳披圖始屏展椒餘馨帖懸勝裁綺青宮奉時

韶丹書凜敬止南望江鄉遙饑寒偏閭里西厔雪

嶺外勞苦衆軍士萬方縱小康兩端切深揣方伯

新奏雪邊郵亦報喜受俘指日期多稼三秋擬

御製新正重華宮侍

皇太后宴詩

丙子

淡蕩青陽蓋  
焚煙瑞旭舒  
載陳家

慶宴欣迓

大安輿軟節雖纔過韶春正好初長筵列孫子諸戲舞

龍魚玉食萬方養

仙籌億數餘祥和肇皇室四海遍吹噓

御製立春日雪與大學士及內廷翰林聯句重華宮

是日復得詩二首

丙子

條風今日是新春吉色

華光靄映板茗果雅堪酬盛節杯盤何必亟茲辰

悅心甘澤霑三白堅齒生香試五辛同有變時祈

歲責即看京兆出耕人青韶入律喜陽和瑞雪

端應兆麥禾散漫烟輕微露日紛敷花發不論科

席珍會處那辭屢墨搨鷁成無乃多不異股肱交

倣意載賡庸作豈妨歌

御製新正重華宮侍

皇太后宴詩 丁丑

安輿近中禁綵服引諸孫春酒介

眉壽華燈先上元韶光融瑣闈和氣靄微垣柏葉千齡

願長承

色笑恩

御製重華宮新正詩

戊寅

春臺此日衆同躋訴合

東皇萬福禔左个青陽迎紫鳳元辰嘉祉應金雞

載昭土德祈豐楙敬授人時紀攝提充豫徐淮籌

作乂沮洳幸涸舉耕犁

御製新正重華宮侍

皇太后宴詩

戊寅

青陽雖盡鵠龍墀首祚承歡奉

聖慈形管不勝書

懿德金庭長此御

隆祺寶檠蘭燄九華燭玉醴椒芬

萬壽卮雖是年年依例事如斯約以十千斯

御製新正重華宮侍

皇太后宴詩 己卯

毓德當年處

大安此日扶奉時欣引達養

志冀

怡愉仙木雲成慶春屏勝作符

慈寧千萬壽祥肇歲朝圖

御製重華宮曲宴和闌回長漠咱吧爾詩 己卯

朝

天兼值預朝正曲宴宜教沐寵榮爾父誠爲識時務王臣詎有限裨瀛舊宮小會輕齊史新域來賓

願武成入律東風方湊達春臺樂與物咸亨

御製新正重華宮侍

皇太后宴詩

庚辰

鳳輦臨龍閣新年第一祥彤庭增喜氣綠野遍春光欣

答初韶令欽稱

萬壽觴粉撩蘭百和勝帖燕雙翔綵服孫曾繞

遐齡日月長宮中行

樂養欲以化羣方

御製重華宮曲宴御前藩王大臣侍衛及內廷翰苑

諸臣即席得句詩

庚辰

曲宴重華隔許年

旰宵

惟是羣壽邊却欣況勝占三白况值武成拓八埏

嘉與賢藩酬綺節便宣翰苑賦瑤篇尚懷奏凱歸

來者風雪長途正著鞭

御製新正重華宮恭侍

皇太后宴詩

辛巳

太昊蒼蒼啟節東承

歡綺宴合青宮

七旬開秩慶方始四海為家養備隆馥馥芳蕤噴溫卉  
或同東廡為葆中殿殿內扁曰古香齋聯曰  
四壁圖書饒古色重簾烟篆挹清芬西廡為  
浴德殿殿內扁曰抑齋聯曰賞心於此遇即  
事多所欣

御製題抑齋詩壬戌 窓紗浸綠鳥聲頻拂拂花香  
戶外新座有蘭烟文作篆壁留箏字額題銀偶然

得句緣新意長自耽書是宿因慚愧當年齋內容  
劈箋煮茗一閒身

御製夏日齋居重華宮抑齋作詩

甲子

瑣窓瀟灑

靜無塵得意忘言舊似新但使心中無芥蒂何須

戶外列松筠壁留亥字銅仙駐案有丁年玉帙陳

却愧向來齋內容匡牀消夏一閒人宮後為

翠雲館聯曰古訓手披勤每競寸陰求日益民

依心默運常先萬姓祝年豐東室扁曰養雲聯

曰白雲有古調青山無俗緣東次室扁曰長春  
書屋西室扁曰墨池聯曰屏展烟鬟雲鶴閒看  
心共遠座凝香篆風松靜覺韻偏清西次室扁  
曰澄心觀道妙重華宮之東為漱芳齋齋

內扁曰正誼明道

御製賦得正誼明道詩辛巳天人三策對帝命相  
江都爰致卒然問惟陳卓爾謨道明功豈計誼正  
利休圖試譬魯諳柳堪知粵伐吳羞稱五伯詐較

識一仁無終得驕王革何妨訛相誣政經真法訓  
漢室最醇儒詮義書屏扆將為出治模東室扁  
二一曰莊敬日強一曰高雲情聯二一曰清燕  
凝神天和間處養從容守正元化靜中涵一曰  
花香鳥語羣生樂月霽風清造物心東次室門  
上聯曰由舊典時式其永無愆思庶政惟和不  
敢自逸門內扁曰靜憩軒

御製題靜憩軒詩

丙寅

室是舊書齋一向此習靜

明道有至訓動定靜亦定萬幾值清暇詎無堪適  
興義府有餘樂琴軒致虛淨玉版頃閒搨吟几仍  
晚凭會心皆可叅玩物斯爲病明窓駒影過誰識  
流陰競昔以忘天倪今以觀物性 西室聯二一  
曰寫誠敬之心禮章樂亮繪恬熙之象日麗風  
和一曰綠綺琴彈白雪引鳥絲絹寫黃庭經殿  
後穿堂扁曰稽古右文聯曰恭已奉三無澄心  
待萬幾堂後西向扁曰金昭玉粹聯曰瑞景瓊

樓開錦繡歡聲珠閣奏雲韶東室扁曰隨安室  
啟祥宮之西南向者爲延慶門門內爲

延慶殿殿後爲廣德門門內爲撫辰殿扁  
曰斂福宜民聯曰生機對物觀其妙義府因心  
獲所寧殿後爲

建福宮乾隆五年建扁曰不爲物先東室聯曰交  
泰三陽肇羲象斂時五福協箕疇西室聯曰香  
藹綺疏蕙圃敷榮滋湛露風清釗砌芝房擢秀

映長春

御製建福宮賦 居寰中以御物凜

天命兮難諱懼大業之弗勝恒乾惕兮小心戒峻宇與  
雕牆鑒酒池兮肉林愧饑溺其未解遑安逸兮是  
尋乃者新宮初落玉圮金鋪創名建福義何居乎  
蓋是地也圍於宮牆而弗加擴卑於路寢而弗增  
華畏炎歠之相逼乃託興乎清嘉儉不至陋幽而  
匪遐况在重華之右比之興慶之宮未費司農之

希何勞庶民之攻經之營之募千夫而齊力如松  
如竹閱數月而成功於是殿方駿娑宮比駘盪長  
春長樂披青簡而空傳太和保和凭朱欄而相望  
千門萬戶兮笑漢制之太奢茅茨土階兮欽堯儉  
之堪尚軒號靜怡兮期成性之常存齋名敬勝兮  
恐舉念之或妄亭顧惠風兮欲膏澤之旁敷閣扁  
延春兮與羣生而咸暢觸目警心兮守此志而始  
終居安思危兮常屢懷而籌量爾其文石矗立嘉

木叢生羅芝田兮蕙畹來燕賀兮鶯鳴披薰風兮  
思解悵對時雨兮樂向榮觀太宇兮調元化育萬  
物兮驗農耕又何必焚隋廷之甲煎樹漢苑之金  
莖歌陳宮之玉樹聽唐曲之新聲而始稱悅情也  
哉於時而春覽生意而欣欣於時而夏遠煩暑而  
灑灑乃其秋也偉西成之可慶乃其冬也體貞元  
之凝命載色載笑奉

慈闡而承歡來游來歌與良臣而交儆於以承

先厘肯構而勿忘於以示後庶斯言之是聽重曰洪範  
有言斂時五福敷錫庶民與時茂育予宅是居心  
乎肅肅受

天之祐匪藉田燭建民之極匪侈華屋繼繩光烈對越  
於穆進賢納諫懲惡旌淑志苟懷安是謂不穀尚  
慎旃哉永膺

天祿

御製建福宮新春詩 癸亥 禁城景物報和韶初轉

寅方玉斗杓漏洩春光梅破蕾招搖風信柳拖條  
池心鏡面冰將解牆角銀根雪欲消長撥詩腸量  
多少新年覺比舊年饒

御製夏日建福宮詩

癸亥

松檜陰林綠映筵可知

鳳闕有壺天含風蘚面紋常縞得雨花心色更鮮  
棄日一篇詩詠杜消閒半幅紙臨宣渴鳥虬箭無  
須報旭影階除即漸還 粉褪新竿幾个亭吟風  
疎籟亦堪聽最欣幽賞供青睞何必遐觀罨綺櫓

鳥過花林紅瑣碎烟含蘭畹紫丁星假山徹夜流  
甘雨夢作匡廬瀑水冷丹楓底事慕山林無那  
松篁瀟灑心境自遠塵皆入詠物含妙理總堪尋  
金城漏永芙蓉靜玉宇宵明象緯沈正是南薰長  
養候好將解阜驗鳴琴

御製暮春恭奉

皇太后建福宮賞花侍膳之作

丙寅

新花迴雁報春

歸韶景長舒愛日暉  
幾个綠筠吟鳳管雙株紅杏

舞萊衣酒斟北斗升政陛

壽指南山映瑣闈恰喜宮中承

色笑芳辰風物總光輝

御製建福宮紅梨花詩 己巳

不計香風幾度頻嬌

紅嫩綠各爭新最憐雨後偏饒韻底事春來易愴  
神葉態花姿剛相稱蜂衙蝶陣豈無因一枝佛鉢  
堪清供便欲因之悟六塵

御製建福宮對雨詩

壬申

朝濟復棼絲冥濛勢旁

午朝罷此宴息耕犁方待舉前池羅春花潤含花  
下土芳菲襲翰思綽約延清覩喜豈喻近臣慰惟  
共農父有秋其尚遙無逸以爲所

御製建福宮詠紅梨花詩

甲戌

李花太白海棠紅

斟酌穠纖著禁叢最是麝風琳月下仙人遙在蕊

珠宮

宮後爲惠風亭又北爲

靜怡軒扁曰

與物皆春聯曰雨潤湘簾苑外青蠻飛秀風披

錦幙階前紅藥翻香

御製靜怡軒晚對雨詩

壬戌

不辨鳳城漏如聞金

戶琴楣欄滌暑氣花木沃芳心延爽試風袂迷歸

亂晚禽詞臣已退食政陞獨清吟

御製題靜怡軒詩

庚辰

彤宮宴息處清舒敞雲楣

絳疏例弗却珠綴奢厭施琴書箇中富間亦陳鼎

羨穆然古與對三代興翹思漢唐兩丈帝尚未窺

藩籬三代詎易言以此增忸怩側席恒不遑矣曾

靜且怡

御製靜怡軒作歌 辛巳

城市人烟庶倍常宮庭繚

繞圍紅牆比較園居實覺熱祇有靜怡猶爽涼靜  
怡爽涼寧繫境自傳詩禪趣堪省然予憂樂以天  
下自怡詎可常耽靜 西室扁曰四美具其屏間

則

御筆視聽言動思五箴也室後聯曰墨壺琴薦相先  
後舊詠新裁自品評又聯曰蘭殿藹晴暉爐烟  
結翠芝宮呈秀采砌草舒芳軒後爲 慧曜樓

樓西爲 吉雲樓聯曰吉雲垂大地慈鏡照諸

天樓下扁曰如是室聯曰華海澄明性源離色

相法鈴朗徹覺地了聲聞 吉雲樓西爲 敬

勝齋閣上扁曰旰食宵衣聯曰看花生意慈聽

雨發言泉閣下西室扁曰性存聯曰致虛涵白

室式古凜丹書

御製敬勝齋詩

庚辰

君道典謨備始終惟一欽丹

書爰取義白室此爲箴常有圖書伴如承師保臨

凜乎朽索喻逸豫敢萌心 齋西扁曰德日新聯  
曰牙籤披古鑒香篆引澄懷其庭中垣門上東  
向鐫

御筆扁曰朝日暉其東山石上鐫

御筆題曰飛翥垣西爲 碧琳館東向樓上扁曰靜

中趣聯曰參得王蒙皴法寫將杜甫詩情又聯  
曰與物皆春花木四時呈麗景抗心希古圖書  
萬軸引清機又左聯曰軒墀饒秀潤書史足吟

哦右聯曰味道研精義隨時愛景光樓下聯曰  
素心悅澹泊勝託惟靜虛又曰窓意包涵畫天

容醞釀春

御製碧琳館詩

壬戌

疊石爲假山植檜稱溫樹咫

尺蘭阤間縹缈蓬壺趣雕繪詎足尚澹泊素所慕

可以貯琴書遐心期古遇戶外響輕風琅玕奏韶

濩佳景足一窓新名恰當可奚事建章宮門戶

千萬夥漏報出花鐘篆裊沈檀火後樂惟同民先

憂益屢我永言悼獨哀豈啻富人哿 殷懷周海

寓深居敢宴盤寸陰信不假萬幾焉有閒輕裘念

鶼結玉食軫糲餐聖狂別罔克朝夕凜惕乾肯堂

勵方來保此磐石安 碧琳館南爲 妙蓮華室

聯曰青蓮法界本清淨白毫相光常滿圓又聯

曰轉諦在語言而外悟機得真實之中 妙蓮

華室之南爲 疑暉堂亦東向聯曰十二靈文

傳寶炬三千淨土蔭慈雲其南室扁曰三友軒

御製題三友軒詩

丁卯

三友之名始宣尼直諒多

聞益德資香山取璧琴詩酒放達繫非余所師獨  
有玉局稱正見直號植物松竹梅名稱義元隱未  
發我將觸類引伸之蒼松自具直之性梅傳春信  
諒也宜擬金戛玉時多聞妙喻舍竹其復誰奚待  
結契霜雪裏天然同德聲應隨寓意於物有奇遇  
名蹟歷歷琳瑯披十八公的雲西筆海粟長賦留  
雄詞君子林稱真定論國子博士小篆題更愛梅

事合元宋小清秘物傳今斯揀金集狐有如是自  
天合也非人爲嘗鼎一脔足味道況斟雉膏道可  
知篋藏書室識寶重窓外延客霜其眉千株一穗  
翩左右是一是二誰然疑因蘇遡孔志未逮高山  
景仰深長思

御製三友軒詩庚辰 妙蹟緣收益友三名軒聊復  
助佳談詎惟岌裏古香挹更愛窓前生意含觸目  
無非遠塵俗會心皆可入研覃幾餘適足供清賞

廣廈千間憶輒慙  
凝暉堂之前爲延春閣北

與敬勝齋相對閣內南面扁曰惠如春聯曰

瑤階鶴繞三珠樹玉宇鸞鳴九子鈴又聯曰玉

砌風清五色祥光連棟宇銅龕晝靜四時佳氣

集蓬壺東室門上扁曰清華西室門上扁曰朗

潤東次室聯曰四序調和懷育物萬幾清暇愛

攤書東面室內扁曰潔素履聯曰山水之間發

清響古今以上多同人右室聯曰拂檻露濃晴

樹濕卷簾風細落花香西面扁曰靜觀自得聯  
曰閒爲水竹雲山主靜得風花雪月權又曰燕  
賀鶯遷樂意相關禽對語蘭芽桂蕊生香不斷  
樹交花左室扁曰芝田右室扁曰蘭畹二層樓  
上扁曰澄懷神自適聯三一曰吟情遠寄青瑤  
障悟境微參寶篆香一曰春靄簾櫳氤氳觀物  
妙香浮几案瀟灑暢天和一曰綠水亭前羅帶  
繞碧山窓外畫屏開最上樓扁曰俯暢羣生

御製延春閣對雪詩

壬戌

天衣雲縫幕寒原詰且

瓊霙集瓦鴛望去玉龍猶夭矯舞來銀鳳正聯騫  
含毫裁句端溪潤引火烹茶古鼎溫卜麥樂餘憂  
更繼誰家茅屋凍鷗蹲

御製雪後登延春閣眺望詩

癸酉

瑞霙既委積祥

曠亦曈曨素雲扶柏枝芳飈遞梅叢新正清暇餘  
延閣深禁中載豁即景目兼舒體物胸皇都千萬  
戶珠樓十二重撫此金甌固益切玉燭融北斗揖

璇杓西山展畫峯和氣毫萌陽吾將事祈農延

春閣之西門上石刻

御筆南向者曰含象北向者曰懷芬閣前疊石爲山巖洞磴道幽邃曲折間以古木叢篁饒有林巒佳致山上結亭曰積翠山左右有奇石西曰飛來東曰玉玲瓏山之西穿石洞而南洞鑄

御筆曰鷺峯南有靜室東向扁曰玉壺冰又扁曰鑑古聯曰湘管摛新會芸編發古香折而南有聳

曰地學蓬壺心自遠身依泉石興偏幽又曰奇  
石盡含千古秀好花長占四時春其上有樓供  
大士像聯曰智珠不斷恒河界明鏡長懸兜率  
邊又曰流水如有意高雲共此心

御製賦得玉壺冰詩

戊寅

玉壺愔愔嘉夜長華燈

蘭燄冰爲光箕風畢雨此清暇潑墨摛毫復靜忙  
申申緩箭渴烏水銅瓶芳遞梅花蕊輕裘溫室不  
知寒無易由言吾過矣

月華門之西相對者爲 蘭義門門西向南者  
爲 養心門中爲

養心殿

皇上宵旰寢興之所也 凡辦理庶政召對引見一如

乾清宮殿內

世宗憲皇帝御筆扁曰中正仁和

寶座屏上

御筆聯曰保泰常欽若調元益懋哉 東暖閣內

御書

皇祖聖祖仁皇帝聖訓曰天下之治亂休咎皆係於人  
主之一身一心政令之設必當遠慮深謀以防後悔  
周詳籌度計及久長不可爲近名邀利之舉不可用  
一己偏執之見採羣言以廣益合衆志以成城始爲  
無偏無黨之道孝者百行之原不孝之人斷不可用  
義者萬事之本不義之事必不可爲孝以立身義以  
制事無是二者雖君臣父子不能保也

皇考世宗憲皇帝聖訓曰敬

天法

祖勤政親賢愛民擇吏除暴安良勿過寬柔勿過嚴猛  
同氣至親實爲一體誠心友愛休戚相關時聞正言  
日行正事勿爲小人所誘勿爲邪說所惑

祖宗所遺之宗室宜親國家所用之賢良宜保自然和  
氣致祥綿

宗社萬年之慶 閣下聯曰憂其所可恃懼其所可矜

後室門上扁曰寄所托聯曰汲古得修練守道  
無異營又曰書圃禮園無數好甌香研靜有餘  
清東室爲

寢宮西室扁曰隨安室聯曰無不可過去之事有自  
然相知之人東南室扁曰明窓

御製明窓詩癸亥

冬日誠衰日三餘樂歲餘晏溫

浮碧網遲麗度朱疏把卷忘言處含毫得句初太  
康古有戒俯仰惜居諸

御製明窓詩丙寅

徙倚明窓下溫暾朱鳥光寄閒

忘景急致遠覺時長裝火檀噴鼎扶盆橘染湘玩

辭居來復安靜養微陽

御製明窓詩戊辰

冬日故可愛况在明窓間網軒

靜微風蠟牖散嫩暄歲功驗玉燭時序窺銅渾三  
餘于焉適萬幾聊以閒陟憶蜀西軍遐心數往還

西暖閣

世宗憲皇帝御製扁曰勤政親賢又聯曰惟以一人治

天下豈爲天下奉一人

御製養心殿銘 人心惟危在閑其邪道心惟微在

培其芽其閑其培皆所爲養操存舍亡毋須臾放

有如時雨沃此寸田大公順應動直靜專動匪憧

憧靜匪寂寂矧其爲君更宜乾惕一念之善百禩

蒙庥一念之惡萬姓貽憂養之之方存誠主敬克

己復禮外王內聖孰本孰末由內施任重道遠

責萃君師朞殿崇崇顧名思義作此銘辭永訓後

世

御製養心殿四箴 我

皇考聖訓曰敬

天法

祖勤政親賢事止四端義該萬理自古帝王莫不守此  
以治違此以亂予小子踐阼以來平旦莊誦惟日  
孜孜畏與年長會隨時觸爰集經書成句衍義綴  
辭各得十六韻入目警心既因自勵亦以昭示來

茲 皇矣

上帝

詩鑒觀四方

詩昭假于下

詩赫赫明明

詩惟聖時

憲書承

天而時行

易終日乾乾夕惕若

易無怠無荒

書畏

天之威

詩勅

天之命

書不顯亦臨

詩俾爾彌爾性

詩惟予一人

書曷

其奈何弗敬

書敬勝怠者吉義勝欲者從

國語日

日新又日新

禮記清明在躬

禮記無然畔援無然

欣美詩昭升于上書在止于至善禮記先

天而

天弗違後

天而奉

天時易書我不敢知詩我其夙夜書念茲在茲書怵惕惟

厲書安而不忘危易於緝熙詩永言配命詩弼我

丕丕基書

右敬

天歲

明明我

祖書既受

帝祉詩我來自東

詩

永清四海

書

之綱之紀

詩

惟民所

止詩無忝

皇祖

詩奉

先思孝

書作樂崇德

易

肅肅在廟

詩

春禘秋嘗

禮記

思

其所樂

禮記

聖有明訓

書如日月之照臨

書

式如玉

式如金

左傳布

在方策

禮記

罔有不欽

書

峻命不易

詩

遺大投艱

于朕身

書如親聽命

禮記

罔不惟德之勤

書

曰仁

與義易迭用柔剛易一張一弛禮記不愆不忘詩

民可近不可下書無教逸欲有邦書夙興夜寐詩

其爾典常書啓佑我後人書俾爾熾而昌詩右

法祖箴

天行健易聖人則之易克綏厥猷惟后書一日二日萬

幾書罔遊于逸書庶績咸熙書曰予一人禮記昧

爽丕顯左傳與公卿大夫共飭國典禮記考禮正

刑一德禮記無敢不善書夙夜匪懈詩敷政優優

詩

惟幾惟康

書

斯謀斯猷

書

執事有恪

詩

亦又何

求詩

百工熙哉

書我獨不敢休

詩綱紀

四方書

惟

皇作極

書先之勞之

論語

不遑暇食

書念之哉

書

業廣惟勤

書勤則不匱

左傳

時乃日新

書承

天之道

禮記

純亦不已

禮記

政貴有恒

書

慎終如始

書

右勤政箴

粵若稽古

書明四目達四聰

書

論

道經邦

書謂之三公

周禮

三事大夫

詩百辟卿士

詩宣力四方

書以佐天子

詩惟后非賢不乂

書其

惟吉士書寤寐求之詩任賢勿貳書靖共爾位詩

期予于治書自朝至於日中昃書晝日三接易若

涉淵水書用汝作舟楫書臣哉隣哉書尚克相予

書予其敷心腹腎腸書出入自爾師虞書假以溢

我詩我應受之詩用勸相我國家書邇可遠在茲

書人亦有言詩惟治亂在庶官書所寶惟賢書惟

一德一心書欲至於萬年書右親賢箴

御製養心殿古幹梅詩己未爲報陽和到九重一

枝紅綻暗香濃亞盆漫憶辭東嶠作友何須倩老  
松鼻觀參來諳斷續心機忘處對春容林椿妙筆  
林逋句却喜今朝次第逢

御製養心殿杏花詩

辛酉

託根依玉砌綻蕊臨珠

殿却羞欺雪梅小試宜春面案香風度簾晝靜霞

明扇方厓蔀屋憂未擬華林宴

御製仲冬養心殿詩

壬戌

積素凝鴛瓦更籞遲漏

銅華棗橫蜺紫藻井倒焰紅几淨詩情逗空明梅

意融南飛金翼候欽若凜淵衷

御製養心殿對雪詩

壬戌

密雪灑遙天同雲棟宇

連宮梅重參玉殿柳先裝綿節卜春和近恩叨

帝澤宣隴畊凝思處綠麥正芊芊

御製仲春養心殿詩

癸亥

夢撩煥晨煦春信歸候

桃誅蕩雙闕開盍盍眄神臯平秩厘予懷與物含  
甄陶身居九重上心爲天下勞

御製養心殿杏花疊前韻詩

甲子

吉亥將耕藉齋

居臨采殿映軒芳樹嘉復覩春風面難尋吟思邈  
依舊陽和扇望澤方憂農遑適清閒晏

御製養心殿杏花詩 乙丑

清曉光風拂玉墀絳雲

香雪映牕枝無端春暮相看際正是年來共賞時  
脈脈難傳徒畫筆盈盈不盡是芳思榮枯悟得皆  
常住誰藉傳真谷與熙

御製養心殿碧桃樹詩 乙丑

芳姿拈詠感無端露

井依依艷未殘九十韶華都過也尚攜春色待人

看 岂是春光爲少留  
新愁舊恨記從頭由來仙  
樹元都種不落詩人淚不休

御製養心殿杏花詩

丁卯

昨夜女夷剪絳紗網軒

新對一枝斜因思杜牧風流句又見清明時節花  
戲蝶不妨供點綴流鶯未許恣周遮色香紛處堪

清悟石鼎烹雲沃道芽

御製季秋養心殿詩

丁卯

閱武揚鑾返北庭軒宮

疇政驗辰星有秋歷覽登三輔旰食惟期協九經

溫樹延年餘翠影寒花正色發幽馨災黎陡憶吳

松郡廣殿高居敢自寧

御製新春養心殿詩

甲戌

蒼龍轉玉斗紫禁閭青

陽金紀蓂葉舒綺殿梅英芳奉時欽體仁祈歲願  
屢祥開年百務簡惕夕一心強好惡戒已私詩書  
挹古香疇洛竚有異勅命勵無疆

御製養心殿對雨誌懷詩

己卯

適纔郊外來悉心

閑農務高下總迴青刺土青秧佈下隰實潤濕高

原耕不誤及觀太液池涸澤仍如故因思再雨佳  
傍晚霏甘霽雞樹生烟鴛瓦溜垂雲玉溝流不  
及鉗砌積水聚此雨誠酣暢畊渠定灌注清苑應  
普霑潞河通舟路交易墜資剗木涉川輸民惟  
赴時勤我以大公付絕勝補偏為功倍

天恩遇

御製新正養心殿詩

庚辰

西師歸振旅東陸舒由

庚執徐奉執規持射凜持盈三白兆宿歲萬幾簡

新正閒中足養心而予有所忼懷安豈良圖無逸  
斯元亨自強勵不息善長時偕行

御製養心殿齋居雨後作庚辰 雨過河源爽氣鮮

炎風不到敝屏邊咄哉無易由言爾可忘周書廿

七篇

御製養心殿晚坐詩庚辰

園亭多水木自是氣清

涼宮禁翡翠瓦五雉圍紅牆夏候所弗宜暖氣蒸

炎陽朝儀詎可闕適已寧云臧茲來乃迴別竟日

爽風颺立秋遲三日律先報白藏晨從郊外來多稼雲將黃既欣望歲稔且免籌邊章九州奏書連云時若雨暘諸凡皆順吉惟是敬不遑

御製養心殿晚坐詩

辛巳

園林夏氣清空庭市烟

近視朝不可闕暑節形闇返雨霑弗覺炎涼颸雞樹晚此時雖幾閒農務籌邇遠大抵麥收佳禾黍苗芃莞但祈時暘若可冀西成允誰爲無望人望歲吾尤緊其西室扁曰三希堂聯曰懷抱觀古

今深心託毫素

御製三希堂記 內府秘笈王羲之快雪帖王獻之  
中秋帖近又得王珣伯遠帖皆希世之珍也因就  
養心殿溫室易其名曰三希堂以藏之夫人生千  
載之下而考古論世於千載之上嘉言善行之觸  
於目而會於心者未嘗不慨然增慕思與其人揖  
讓進退於其間義之清風峻節故足尚即獻之亦  
右軍之令子也而王珣史稱其整穎振靡以廉恥

自許彼三人者同族同時爲江左風流冠冕今其  
墨蹟經數千百年治亂興衰存亡離合之餘適然  
會萃於一堂雖豐城之劍合浦之珠無以踰此子  
墨有靈能不暢然蹈忭而愉快也耶然吾之以三  
希名堂者亦非僅爲藏帖也昔聞之蔡先生名其  
堂曰二希其言曰士希賢賢希聖聖希天或者謂  
予不敢希天予之意非若是也常慕希文希元之  
爲人故曰二希余嘗爲之記矣但先生所云非不

敢希天之意則引而未發余惟周子所云固一貫  
之道夫人之所當勉者也若必士且希賢既賢而  
後希聖已聖而後希天則是教人自畫終無可至  
聖賢之時也孟子曰盡其心者知其性也知其性  
則知天矣人人有盡心知性之責則人人有希聖  
希天之道此或先生所云非不敢希天之意乎希  
希文希元而命之曰二希古人託興名物以誌弗  
忘之意也則吾今日之名此堂謂之爲希賢希聖

希天之意可慕聞之先生之二希而欲希聞之之

希亦可即謂之王氏之帖誠三希也亦可若夫王

氏之書法吾又何能贊一辭哉 閣後夾道門扁

曰自強不息北接後軒三楹東為 無倦齋西

為 長春書屋聯曰閒尋綺思千花麗靜想高

岑六義清內室聯曰景深孚甲含胎際春在人心

物性間又聯曰麗日和風春淡蕩花香鳥語物

昭蘇 養心殿後為穿堂堂屏門東西各有扁

曰雲流曰風振俱南向向北扁曰蘭汜涵春二  
層殿上北向扁曰與物皆春聯曰心天之心而  
宵衣旰食樂民之樂以和性怡情東暖閣門扁  
曰樂天閣內室門聯曰仲尼不爲已甚者惟帝  
若是其難之門內扁曰攸芋齋聯曰情將物外  
適道與古人期養心殿之前爲

御膳房扁曰膳房

聖祖仁皇帝御筆也

景運門之東相對爲誠肅門入門南向爲

奉先殿

世祖章皇帝以

太廟時享孝思未申命稽往制建立

奉先殿順治十四年告成前殿七楹後殿如之凡

朔望薦新歲時展禮又冊封諸大典禮先期

告祭俱內務府掌儀司領其事殿東爲夾道即

蒼震門前直街也街東爲

寧壽宮宮正殿二重前爲寧壽門列金獅二門  
內東爲凝祺門西爲昌澤門再西爲履  
順門門外即夾道直街也

聖祖仁皇帝御製寧壽宮頌 天開壽域地會瑤池南  
極添算北辰降慈螽斯行慶白鶴來儀躬勞著訓福  
祉永綏恭獻長壽敬託腐詞 寧壽宮之後爲

景福宮前爲景福門門內正殿二重前殿

御筆扁曰芳徽純嘏 東暖閣扁曰形闡鶴算 西

暖閣聯曰寶婺騰輝錦雲呈五色璇庭絢綵珠  
樹發三花宮西有花園門榜曰行祺門又西  
爲蹈和門門外即夾道直街也

聖祖仁皇帝御製景福宮頌

慈顏懿教祇奉銘箴福祉靈壽遐齡喜深松筠玉樹繞  
砌清音淑德純嘏萱枝茂林揮毫敬頌永日葵心

景福宮之後爲兆祥所今爲

皇子所居西爲花園又西即神武門也

隆宗門之西爲

慈寧宮順治十年建東爲 永康左門西爲 永康右  
門正中南向爲 慈寧門前列金獅二門內

正殿

御筆扁曰寶籞駢禧又扁曰慶隆尊養聯曰愛日舒  
長蘭殿春暉凝綵仗慈雲環蔭萱庭佳氣接蓬

山 後殿供奉佛像

聖祖仁皇帝扁曰萬壽無疆

御筆聯曰百八牟尼現莊嚴寶相三千薦蕡聞清淨妙香又聯曰人天功德三摩地龍象威神兩足

尊 前殿東廡南有佛堂

聖祖仁皇帝御筆扁曰四星容華宮左殿宇二層東有

門曰 慈祥門與 啓祥門遙對 慈寧門之  
南爲 長信門凡大朝賀門前陳設

皇太后儀駕文武二品以上大臣俱於門外隨班行禮  
南爲 永安門其左爲 迎禧門右爲 覽勝

門右門之內即花園也園中爲咸若館東北

爲端化亭上有樓樓之南有室扁曰含清暉

咸若館前有池池上爲臨溪亭東爲翠

芳亭西南爲綠雲亭

聖祖仁皇帝御製慈寧宮問

太皇太后安詩定省深宮曙氣催承恩獻壽捧霞杯

晨昏敬睹

慈顏豫不盡歡欣踴躍迴

聖祖仁皇帝御製元旦慈寧宮行禮詩 太簇初分來  
萬國融融淑景動青陽瞳曨翠蓋祥雲覆縹緲蘭宮  
瑞氣揚節遇三元開寶歷時逢四始奉霞觴山呼拜  
舞臣民樂願祝千年正未央

聖祖仁皇帝御製夏日同三王慈寧宮問

太皇太后安詩 九天旭日照銅龍朝罷從容侍

上宮花萼聯翩方晝永晨昏常與問安同

御製詣慈寧宮問

皇太后安詩

己未

親詣慈寧問

起居瞳瞳曙色曉光舒承歡祇領

徽音訓歸路思維樂有餘

御製冬至慈寧宮行禮詩

己未

和風習習滿簾櫳

慈壽無疆祝華嵩不獨宮闈增喜氣光天孝養萬方同

拜舞瑤階日影移南山爲壽獻新詩

宮中堯舜垂裳處正是初陽乍復時

御製冬至次日慈寧宮行禮詩

庚申

霜薄觚稜旭

影浮彤墀拜舞動旗旛初陽暖律迴葭管亞歲祥  
光遠鳳樓萬國歡心同孝養六宮

臺教霈恩流年年最喜稱觴日常近增添海屋籌慈  
寧宮之西爲壽康門門內爲

壽康宮恭奉

皇太后頤攝起居之地也

御筆扁曰慈壽凝禧聯曰玉琯應陽春祥開南極璇  
宮呈麗景慶洽西池中殿聯曰慶叶瑤圖融

和開壽域祥呈闔苑熙皞樂康衢 東暖閣聯

曰福集璇圖天永錫祥開綺甲日重光又聯曰

光華呈愛日仁壽遍和風 後殿聯曰鳳集桐

花來絳闕鶴銜桃實自丹山西室聯曰金盤露

滿瑤華麗丹粟凝祥鶴算綿又聯曰歡心依日

永樂志願春和旨

御書 壽康宮之後 咸安宮舊址也乾隆辛未爲

皇太后六十萬壽恭建

壽安宮祝

釐閱辛巳恭逢

聖母七旬大慶復重葺增新稱

觴申祝於此宮門

御筆榜曰壽安門入門爲春禧殿殿北爲

壽安宮正殿扁二一曰長樂春暉一曰瑤樞純嘏

聯三一曰百福屏開慶叶九如宏壽域五雲景

麗恩敷萬象入春臺一曰壽國樂舒長韶成九

奏安輿承悅豫舞效三呼一曰香宸引祥風序

符清宴仙壺承愛日景叶升恒 東暖閣扁曰

景暉曰熙春聯曰紅梅翠竹天然畫妙理清機

不盡吟又曰松牖樂春熙既安且吉蘭陔宜晝

永曰壽而昌東樓下扁曰集慶曰宣豫聯曰芝

棟雲霞麗蘭陔日月長又曰宜春苑滿恒春樹

介壽筵開益壽花 西暖閣聯曰慶霄暉壽曜

仙圃麗春光又曰鈞庭延淑景璇紀藹祥風西

樓下聯曰靜裏遠懷千古事意中常滿十分春  
殿前左右延樓迴抱相屬中庭有崇臺三層上  
層扁曰慶霄韶濩聯曰鳳翥輝呈阿閣瑞珠聯  
景繪泰階符中層扁曰曾城廣樂聯曰圖籌遞  
演京垓積律呂環生上下和下層扁曰崑閬恒  
春聯曰鳴豫叶雲韶頌集九如開壽域祝釐陳  
絲舞歡聯萬象譜春臺殿後庭中疊石爲山植  
竹其間左右各有室三楹東曰福宜齋齋內

聯曰西池增寶錄南極耀珠躔西曰萱壽堂

聯曰寶篆長生錄瑤屏集瑞圖

御製壽安宮銘 辛未題額匪創伊脩

慈寧六秩行慶延庥

愛日循環千甲載週金穰辛建物盛已述

七袞爰開

萬壽惟悠合天下養與太古謀瓊宮枚枚有桷有檼蘭

陔叶什梅席稱觴鴻儀重舉以十爲籌則百斯十

始而復周 慈寧宮之東北即 啓祥門外夾道

也其南北向爲 凝華門門內爲 雨華閣閣

三層覆以金瓦俱供奉西天梵像上層

御筆榜曰雨華閣中層扁曰普明圓覺聯曰青蓮法

界普清淨白毫相光離色空又聯曰三身具足

根塵外萬法齊歸願海中下層閣內聯曰具神

通力生歡喜心又聯曰善果皆歡喜香雲普吉

祥又聯曰靈鷲風香傳妙偈澄潭月皎印真如

下層扁曰智珠心印聯曰花布妙香霏四種金  
塗傑閣現諸天又聯曰般若慈源遠通華海滙  
菩提覺路妙轉法輪圓又聯曰妙果圓成華海  
同歸無盡藏靈因靜證珠宮常雨四時花又聯  
曰寶界現莊嚴雲凝華鬢香臺開般若雨散曼  
陀閣後爲昭福門門內爲寶華殿殿後爲  
香雲亭其北爲中正殿扁曰然無盡燈聯  
曰妙諦六如超衆有善根三藐福羣生皆

御筆也 壽安宮之北爲

英華門門內爲

英華

殿亦供奉佛像之所庭中有菩提樹七株

御製英華殿菩提樹詩

壬戌

何年畢鉢羅植茲清

虛境徑尋有旁枝蟠擎芝幢影翩翩集佳鳥團團  
覆金井靈根天所遺嘉蔭越以靜我聞菩提種物  
物皆具領此樹獨擅名無乃非平等舉一堪例諸

樹以無知省

御製英華殿菩提樹歌

辛巳

我聞法華調御丈夫

成道處乃於伽耶城中菩提樹又聞華嚴海會諸  
如來一佛一樹乃至恒沙數一亦非合恒沙數非  
離是佛是樹比肩菩提娑羅貝多閻扶誰則見惟有  
菩提之樹鬱葱蔚郁常依佛日生光輝英華之殿  
聳層甍勝國莫考國初曾以居

慈寧

思齊太任篤奉佛爰供法像延禧篤祐貽雲仍時來瞻  
禮意肅穆裝嚴寶軸相好合梵經或云即是北斗

之七星貝帳一一名可徵菩提七樹森列庭是誠不可思議標祥禎枝枝葉葉數無萬如斯無萬數繩繩繼繼永世綿皇清

御製英華殿菩提子數珠詩辛巳

七樹恒沙結子

多數珠拈百八云何欲因悠久卜皇祚詎是尋常  
佞佛陀顆顆圓融開意益纍纍聯綴振祥柯蓮池  
淨業吾無暇靜置如聞鳴法螺    英華殿之西北

有城隍廟雍正四年建其祀典亦掌儀所司也

廟東爲祀馬神之所又東即 神武門也

國朝宮史卷十三



總校官庶吉士臣侍朝  
校對官編修臣莫瞻菉  
謄錄監生臣張金露